

四川通志卷十四

輿地志 十三

山川 五

北五里武侯

祠因名有泉清北五里武侯屯營於此上建諸葛

祠因名有泉清冷

附宋黃庭堅行記天水張茂先世克南昌黃庭堅魯直弟叔向

嗣直建中靖國元年三月丁卯同來時左縣道人思順開法席於此山道俗歸心荆棘草萊化為金碧新雨晚晴同登中閣觀白鹽之崇崛起杜少陵之風流歎大雅之不作裴回久之魯直書劉均國記

穎川劉均國邀古雍李紹隆雒陽邢仲時陽翟衛

師房黃山韓次阮游卧龍山咸平院歸至天寧寺

謁長老忍禪師建炎四年十月晦日均國之子壤

侍王十朋記永嘉王龜齡少城周行可海陵查元

章載酒來游時凍雨初霽風日清美山谷明秀照

人道旁雜花盛開籃輿徐行應接不暇寺有茶蘼

羅絡松上如積雪崇蘭數百本秀發崑石閒微風

透香所至芳郁東榮牡丹大叢雨前已開道人植

蓋護持畱以供客飲罷縱步泉上淪茗賦詩而歸

乾道丙戌清明前四日閤蒼舒行紀余初自宣威

幕府送季長奏事北闕入道山爲學士後三年余

始被命造朝遂玷論思之列今丐祠得請而歸會

季長護漕雙門相與道舊故握手驚歎蓋潤別已

十年矣等通家燕款淚辰亡倦最後游卧龍山松

風蕭爽雲白微瀾千載英靈恍若來下晚趨躍馬

城赤甲白鹽峻極天半晴光返照瀆浪無心

行酒道韞詩至大醉而去不圖天涯竟

於此也掌

於此也掌

夫來游時春陽驟驕風埃四起酌泉松柏閒意頗
愜無何雷雨忽至晚登寺閣望赤甲白鹽山色如
洗相與舉酒樂甚遂畱宿山房季允書此紀歲月
慶元六年五月黃人傑記帥帳跨鼇陳損之繡衣
具茨王璆聯轡登卧龍置酒高會賓客從者十有
六人是日金虎嘯風丹雲蔽日涼生尊俎興在江
山獻酬賡唱之餘挹大士泉訪海仙像塵慮息而
神缺瞿唐晝漏垂盡乃去真勝遊也慶元己未七
月十有四日魯齋黃人傑書查籥詩山巔祠貌儼
丹青千載懷人爲一登隱隱故營連白帝茫茫恨
水向西陵石根蘭芷香無價雲頂松杉翠作層人
事天機古難料詩成試語定中僧丁謂詩日長春
老職司閒縱轡因尋負郭山花氣半飄青靄外泉
聲多在白雲閒香燈肅肅嚴僧事鐘梵蕭蕭爽客
顏坐有詩人樽有酒擬拋城市宿禪關王十朋詩
我輩逢山眼卽青卧龍頂上喜同登圖畱沙蹟懷
諸葛詩詠江濱憶少陵巫峽雲飛天一握瞿唐魚

化浪三層籃輿又向人閒去回首林泉媿老僧九
日登卧龍山詩老逢佳節強躋攀興遶東籬媿未
還與客攜壺登縹緲尋僧對榻卧幽閑白鹽照日
一峰古烏帽吹風雙鬢斑坐上無非孟嘉輩卧龍
山卻勝龍山梁彭州登卧龍山送酒詩五馬攜壺
上卧龍四夔聯騎與游從山中古柏歲寒色應爲
清流作意濃

白帝山在縣東十三里高聳特峙與赤甲山相接
公孫述據蜀有白龍自井出公孫自以承漢土運
故號曰白帝城

羊角山在縣東十餘里下臨大江

赤甲山在縣東十五里水經注作赤岬山舊志山
高峻不

生草木皆赤如人袒裨故名或謂漢取巴人爲
赤田軍屯兵於此又謂古魚復縣卽此附宋范成
大詩并序魚復浦泊舟望月出赤甲山山形斷缺
如鼉龍坐而張頤月自缺中騰上山頂因有詩月
生赤甲如金盆蹲龍呀口吐復吞長風浩浩挾之
出影落半江沉復翻天高夜靜四山寂惟有灘聲
喧水門高齋詩翁不可作我亦不眠終夕看竹枝
詞赤甲白鹽碧叢叢半山人家草木風榴花滿山
紅似火荔子天涼不肯紅王十朋詩赤甲城連白
帝城子陽曾向此屯兵區區板築徒勞耳尙赤由
來是漢營

白鹽山在縣東隔江十七里崖壁五十餘里其色

炳耀狀若白鹽與赤甲山夾江對峙蜀之咽喉也

〔水經注〕廣溪峽乃三峽之首山上有神淵淵北有
白鹽岸高可千餘丈俯臨神淵土人見其高白故

小
通
志
卷
一
四
輿
地
山
川
三
夔
州
府
三

名天旱燃火推其灰燼下穢淵中則降雨張珣書
赤甲白鹽四大字於上寰宇記白鹽山在州城瀾
東山半有龍池天旱燒石投地鳴鼓其上卽雨附
唐杜甫詩卓立羣峰外蟠根積水邊他皆任厚地
爾獨近高天白牕千家邑清秋萬古船詞人取佳
句刻畫竟誰傳又徐步攜斑杖看山仰白頭翠深
開斷壁紅遠結飛樓日出清江望暄和散旅愁春
城見松雲始擬進歸舟劉滄夜泊夔州詩維舟鏡
面中迎白鵝峰夜靜沙堤白天寒水寺鐘宋王
十朋詩蜀中鹽井知多少功利端能與海分倘使
此山真可煮商功計利正無紛陸游風雨中望峽
口諸山歌白鹽赤甲天下雄拔地突兀摩蒼穹凜
然猛士撫長劍空有豪健無竄客不令氣象少停
滯常恨天地無全功今朝坐此悟始歎息妙處原在
燥雨中太陰殺氣橫慘澹元化變態舍空濛正如
奇才遇事見平日乃與常人同安得朱樓高百八
看此驟雨吹橫風

香山在縣東南隔江四十里府志白居易嘗遊此今

有香山寺附唐杜甫詩奔峭背赤甲斷崖當白鹽

客居惆悵遷次春色漸多添花亞欲移竹鳥窺新捲

簾衰年不敢恨夢雲暖麝香山半頂梳頭白過睂

未還水生魚復浦雲暖麝香山半頂梳頭白過睂

拄杖斑相看多使者一一問南關宋玉歸州宅雲

通白帝城吾人淹老病旅食豈才名峽口風常急

江流氣不平只應與兒子飄轉任浮生明楊慎竹

枝歌日照峰頭紫霧開雪消江面綠波來魚復浦

邊曬網去麝香山下打柴回

石馬山在縣東三十里

文山在縣南十三里一峰秀拔為郡之案山也其

左為天馬山

輿地 山川 夔州府四

勝已山在縣南十二里峰巒疊秀巍然獨出衆山

之上宋郡守王十朋名曰勝已山

按梅溪集有勝已山詩自註勝

已山有易名已勝者見圖經則勝已之名固不自
王始也附宋王十朋報恩寺拈香望勝已山詩藍
山拂曉出東關鐘磬聲聞杳靄閒心欲報恩頻入
院人逢勝已更觀山行香細細禪房靜江水渾渾
野渡閑欲問行人國興廢黃鸝隔葉語綿蠻私心
克盡道方大勝已與游名始成物我太深誰氏子
卻將已勝易山名取友要如山勝已居官宜似地
清廉邊庭未靖尙赤甲鼎鼐欲調須白鹽

七曜山在縣南二百里縣延直抵湖北施南

慈容山在縣西南一百四十里又金子山在縣南

二百里與湖北施南接界

相公山在縣西一里

官口山在縣西二十里二山雄峙層疊奇秀

象鼻山在縣西北三里

九盤山在縣西北十五里形似九曲相近又有佛

靜山

三台山在縣西北二十里峰巒三疊如三台之象

天門山在縣北十五里

豸頭山在縣北十五里

眞武山

方輿考畧按梅溪集夔州有眞武山新舊志皆無考附宋王十朋登眞武山詩監輿

曉上小琳宮夔子江心指顧中道士手栽山上柏
身猶未老榦凌空山中松柏幾經春壁上龜蛇妙
入神羽士相看笑相語使君老似去年人白鹽卓
立羣峰外真武山頭平視之試上白鹽山頂望未
知真武孰高卑熒煌燈火如星斗夜夜人間望此
山來向元宵試燈火卻移星斗下人間
文筆山方輿考畧在縣東南隔江三里峰尖如筆故名

走馬嶺在縣東北十里在白帝赤甲二山之閒

長松嶺在縣北五十二里上多古松冬夏饒風

蓮花峰在縣西北五里上有蓮池

得勝岡在縣西北舊有武安王遺迹建廟其上附宋

王十朋詩什方登得勝岡謁武安王關雲長廟有吳至此無水拔口川地泉湧而湧

人
有曬甲皇得勝
刀曬甲遺跡在英
鬼猶能敵萬

老虎坡在縣西八十里形狀如虎勢極險峻

灩澦堆在縣西南二百步當瞿唐峽口

〔水經注〕白帝城西江

中有孤石爲淫預石冬出水二十餘丈至夏則沒
峽人以此爲水候瞿唐關西門對灩澦堆堆碎石
積成出水數十丈土人云方夏秋水漲時又高於
堆數十丈昔歲旱石露大半有三足形如鼎又樂
府云淫預大如馬瞿唐不可下淫預大如象瞿唐
不可上灘頭白浮堅相持倏忽淪沒別無期孝子
傳云庾子與扶父柩過瞿唐六月水泛子與禱而
遂平旣過泛溢如故人歌之曰淫預如牛本不通
瞿唐水退爲庾公〔寰宇記〕灩澦堆周圍二十丈在
州西南二百步蜀江中心瞿唐峽口冬水淺屹然

露百餘丈夏水漲沒數十丈其狀如馬舟人不敢進又曰猶與言舟子取途不決水脈故曰猶與諺曰灩澦大如襍瞿塘不可觸灩澦大如馬瞿塘不可下灩澦大如鼉瞿塘行舟絕灩澦大如龜瞿塘不可窺成鋪水則開封成鋪子韶寄瞿塘關懷安寒渥澤民成都郭公臨舜卿東去過高齋覽形勝遣人撐舟垂繩墜石則灩澦之水約八十四丈子韶曰夏中江漲灩澦上水猶三十餘丈可想見矣澤民之子慶冑付淳熙乙巳正月二十五日附宋蘇軾賦并序世以瞿塘峽口灩澦堆爲天下之至險凡覆舟者皆歸咎於此石以余觀之蓋有功於斯人者夫蜀江會白水而至於夔瀾漫浩渺橫放於大野而峽之大曾不及其十一苟先無以齟齬於其閒則江之遠來奔騰迅快盡銳於瞿塘之口則其險悍可畏當不啻於今耳因爲之賦以待好事者試觀而思之賦云天下之至信者惟水而已江河之大與海之深而可以意揣唯其不自爲形而因物以賦形是故千變萬化而有必然之理歟

騰勃怒萬夫不敢前兮宛然聽命唯聖人之所便
余泊舟乎瞿塘之口而觀乎灩澦之崔巍然後知
其所以開峽而不去者固有以也蜀江遠來兮浩
渺渺之平沙行千里而未嘗齟齬兮其意驕逞而
不可摧忽峽口之逼狹兮納萬頃於一盃方其未
知有峽也而戰乎灩澦之下喧逐震掉盡力以與
石鬪勃乎若萬騎之西來忽孤城之當道鉤援臨
衝畢至於其下兮城堅而不可取矢盡劍折兮迤
邐循城而東去於是滔滔汨汨相與入峽安行而
不敢怒嗟夫物固有以安而生變兮亦有以用危
而求安得吾說而推之兮亦足以知物理之固然
薛紱賦蜀江滙而赴峽勢迫抑而騰掀當江之衝
有堆屹然爰停我橈徘徊覽觀有會余心乃知大
禹所以浚川而不去此者匪特以殺水之怒而四
瀆之長江有灩澦河存砥柱則聖人之意亦將有
所寓焉夫形而上者謂之道形而下者謂之器器
者物之物道者物之先先乎物者在人則存乎心
者也所以宰制乎萬物豈一物所得而肩彼堆斯

江彼柱斯河在物之石而器之下也然洪水滔天
不爲之移狂濤卷空不爲之動潦盡漲涸岌乎峭
堅互宇宙而長存閬陵谷之變遷而人之所以先
乎物者乃誘於智乃逐於物利之趨如水斯下欲
之熾如火斯然曾莫得以止遏者反茲石之不若
反安可不推其原縱而忘反茲固弗道制之無方
愈蕩而偏禁而絕之者昧乎倫類空而妙之者荒
無逕躔嗚呼無廬而居無畔而田卒窮露而奚歸
寧耕穫而有年曷不觀於茲堆乎彼惟居其所者
屹而固也然後可以障狂潰之流川苟失其所而
昧其居吾知此心之不傳其居伊何曰天理雖微
而難明實天命之固然自視聽言動之間以及君
臣父子之懿物必有則理不可遷切而思之講而
明之習而寧之謝無恨之漢潦挹有本之源泉渺
乎其幾深乎其因物有萬變事有萬端察乎其微
者卓然而不可易然後可以蔽乎天地而闢乎聖
賢以真知出而後其行也果必力行也而後其知

溫不作者白刃之勇者
心之危匪加而人欲之勝甚于水吾而
有感于天則之嚴是以憂講學之怠而述之于
明陸深後灝灝賦并序昔蘇公子瞻賦灝加益曰
江會百川勢易驕逞不先之以齟齬盡其快銳爲
害斯大嗟乎是誠有之夫當國家豐亨豫大之時
必有風靡波蕩之俗使無正人法家出氣力以捍
之則末流有不可救者矣此公作賦之旨也嘉靖
丁酉二月初予將出峽舟過瞿唐春水未生孤根
欲露盤旋其下有感于心作後灝灝賦道叢鳧之
故國沿岷汶之長源睇灝灝之帆律繹牛哲之名
言測安危之倚伏乃始疑而今信然昔伯禹之導
江兮命陽侯爲驅先挾六龍與二虬兮劈雷斧之
神銛剗地脈而中分兮挺孤高之一拳障奔轟之
東驚兮回萬折于瀾翻時盈縮以浮沉兮擁百川
而獨尊或如象兮如馬舟人睨而不敢上下相近
者之汨汨兮固晝夜之不舍惟上帝之默佑兮恆
轉運乎良工下機緘于錯糾兮物有窮而必通猗

宣父之感麟兮以伐樹又絕糧嗟鄒孟之仁義兮
竟且沮于臧倉胡聖賢之速遭兮夫豈茲堆之未
量派遠而彌昌兮象下流而永賴抱遺經而先覺
今反治亂于否泰顧大化之茫茫兮俟萬世于須
臾俯中流之一柱兮盍前鑒而早圖慨孔明之馳
驅兮磊塊乎八陣之濤波猶未訪草堂于瀼水兮
弔江岸之東坡予粲粲其白髮兮懼末路之蹉跎
郭棐賦睠瞿塘之浩瀚吞百川于一畝肆潏潏以
千里載滌洞于三峽儼茲石之孤起水滙之而滄
溟抗流漸之橫放壯地氣之呼吸蓋鎮夔軸以長
存義砥柱而中立者也原灩澦之鑄形岷滄波之
尋丈旣挺躍而若馬亦跨峙而若象固自植之根
蒂任狂流之蕩漾捍蜀川之門戶作荆襄之保障
偉片石之爲功洵亙古而莫尙卽吾人以鍾靈乃
振世之豪傑張浩氣於獨立植人紀于旣絕標格
天之勲庸樹蓋世之功烈旣炳烺而磊落亦崢嶸
而茂業矧鍾茲之環特聚來遊之雋哲豈無障百
川而東之與茲堆而竝列者乎是故有如昭烈拯